

萬安縣志卷九

都司

縣治武職舊失載自 國朝順治六年復設守備而職名始詳於魏志康熙十七年添設游擊一員越七年而裁雍正九年以本營守備改設而是邑始有都司

國朝

康 共 年任守備有傳 鄧 雄 年任守備有傳

黃成章 擊有傳二十二年任游 張良佐 永豐人武進士康熙

王國相 大興人康熙二十二年任守備 李 斌 天津人行伍康熙

王三貴 直隸人康熙四十年任守備 錢 達 巴縣人行伍康熙

黑耀廷 甯夏人雍正四年任守備 周之德 歸安人雍正九年任守備

萬安縣志

卷九

職官志

都司

周宗聖 榆林人雍正十三年任 賈起龍 江夏人乾隆十一年任

李時擴 東明人乾隆十年任 同 保 正黃旗人乾隆二十年任

福 海 正白旗人乾隆廿二年任 嚴克壯 華容人乾隆二十年任

白 奇 平魯人乾隆三十一年任 劉生芝 固原人乾隆三十一年任

多 舒 鑲黃旗人乾隆三十一年任 劉興隆 漢軍藍旗乾隆四十四年任

楊文燦 雲南人乾隆五十年任 孟毓桐 東海人嘉慶七年任

魏廷魁 趙川人嘉慶十年任 海洪阿 鑲紅旗人嘉慶十年任

謝蕃祥 南昌人道光四年任 彭國治 道光五年任

馬福壽 豐州人乾隆九年任 花良陶 旗人咸豐六年任

懷塔那 咸豐七年任 吳世修 永新人同治十二年任

程慶允 安徽桐城縣人同治十三年署 高鍾奇 上饒縣武生光緒二年任

把總

明以前無考

國朝雍正七年己酉馬兵內改設把總一

員新纂

秦尙仁 大同人康熙二十二年

李元 本縣人康熙十年

莊祥 長泰人康熙二十二年

郭清 本縣人康熙間任

陳得功 湘潭人康熙三十四年

郭大宗 吉水人康熙四十四年

張大勝 安遠人康熙四十四年

陳汝敬 贛縣人康熙五十四年

陳輝玉 萬載人雍正二年

陳志 廬陵人雍正五年

林大鵬 贛縣人乾隆四年

羅俊 定南人乾隆十年

張士龍 贛縣人乾隆十年

張召 贛縣人乾隆三十年

崔承華 贛縣人乾隆三十年

王勝連 南康人乾隆四十年

萬安縣志

卷九

職官志

把總

二

吳正文 贛縣人嘉慶五年

楊文週 贛縣人嘉慶十年

楊雲 臨川人嘉慶二十年

易枝棠 宜春人道光元年

呂殿彪 年失考

鄧祥發 贛州人咸豐三年

賴宗年 咸豐十年

李洪照 本縣人同治四年

劉得勝 同治五年

曾連級 贛縣人同治六年

主簿附

宋史主簿掌出納官物銷注簿書凡縣不置丞則簿兼丞之事元置民少事簡之地則以簿兼尉明設主簿一人正九品分掌糧馬巡捕之事而添革不一是邑主簿宋未詳元明皆可考 國朝順治初缺裁纂新

元

李子春

河內人至正間任

王懋官

成都人年失考治績成集時有詩丞學簿之號

明

郭文舉

沂梁人洪武四年任

金原山

年失考

王信

洪武七年任見趙做學宮記

熊法

洪武二十年任

萬安縣志

卷九

職官志

主簿附

三

姜承賢

永樂元年任智畧過人擢吳縣令

華

韶開化人宣德間任

段友諒

孝感人正統間任

劉

福長沙人景泰三年任監修學宮

姜衡

天順間任見李齡學宮記

王

鏐福建監生天順四年任

朱茂

蘇州人成化六年任有治績

溫祖良

成化九年任

熊惟一

巴縣人年失考

何

琛巴縣人年失考

黃鎬

餘姚人年失考

張

瀛年失考

蒲琮

年失考

魯

汶年失考

朱福成

年失考

楊廷簡

年失考

倪

紳華亭監生年失考

驛丞附

明史驛丞典郵傳迎送之事各州縣有無多寡不同縣治

五雲皂口驛丞各一員 國朝順治初裁皂口驛丞雍正

正四年裁五雲驛丞今無新纂

明

陳原善 豫章人洪武三年任五雲驛 楊愛 湖廣人年失考任五雲驛

盧華 獨修學宮李齡記 王大剛 山東人天順四年任五雲驛

陳宗 山東監生成化四年任五雲驛 秦賀 臨桂監生成化四年任皂口驛

梁世 廣東人成化九年任五雲驛 李斌 番禺人成化十年任皂口驛

蔣亮 道州人成化十年任五雲驛 郁景 鳳陽人年失考任五雲驛

樹太 年失考任皂口驛 田安 東平人宏治元年任皂口驛

萬安縣志 卷九 職官志 驛丞附

蕭謙 武陽人宏治二年任五雲驛 葛詢 山東人宏治三年任五雲驛

龍時茂 攸縣人宏治六年任五雲驛 杜茂榮 資縣人宏治七年任五雲驛

陳暄 內黃人隆慶年間任皂口驛

國朝

濮厚 山陰吏員康熙五年任五雲驛 曹濟邦 金華吏員康熙七年任五雲驛

雜職附

明設五雲遞運所大使一人舊志失載洪武間置醫學訓科陰陽學訓術僧會司僧會道會司道會四者設官不給俸後裁纂新

陰陽學

郭天爵 在城三圖人年失考

蕭恩寵 年失考

醫學

蕭世楷 鄧林人年失考

朱隆勛 桂林人年失考

僧會司

康大暉 八角亭僧人年失考

羅文友 祖山雲峯係七都麻溪人年失考

道會司

萬安縣志

卷九

職官志

雜職附

五

蕭大寵 在城四圖人年失考

蕭元莊 鄧林人年失考

郭士林 二圖人年失考

名宦傳

宋

許 淡熙甯間縣令時縣境新建淡畫疆界創修公署建立學校除害去暴尊嚴如神如漕運受納牙稅鄉胥之費皆革其弊郭思元撫其實作許公十政詩勒碑以頌今石刻不存從祀名宦

李唐傑

通志作唐傑無李字

建炎間以奉議郎為縣令時劇寇歲犯江浙南贛盜起侵掠尤甚唐傑倡集義勇積糗糧設土軍舟船橫截江寨巡行防禦政令嚴肅賊不敢犯民賴以安從祀名宦

張允升紹興十三年以左通直郎為縣令一以寬大為政

萬安縣志

卷九

職官志

名宦傳

六

論者謂其過情張曰殺人以媚人刑人以利己我不為也人服其厚

趙成之紹興中縣令時寇盜未靖游兵四出成之築城浚池立門設禁以為防禦作渡船濟涉民感其惠且弛刑禁備荒穀邑中大治不肅而成

張澹古紹興中以宣義郎為縣令修學校不私一錢每自謂曰我名澹古賦性然也柰何受金以速官謗觀察使聞而嘆曰張君為政不減孔姑臧矣

邵時卿紹興中以右通直郎為縣令時有山寇壓境時卿作檄解之寇曰邵公長者何忍負之即離遂與界引去時有語曰邵公一檄弭盜有策威不在兵制勝惟德

吳從固乾道中以承奉郎爲縣令民有訟者婉諭之曰廢時失事以取勝於公庭何其愚也果有寃者我當與汝伸民皆感泣無頑訟者

黃 東慶元元年以通直郎爲縣令除苛政省嚴刑民有犯教者以臯陶謨訓示之不踰年而邑內大治

趙師道慶元四年以宣教郎爲縣令簡易近人崇文好禮嘗語民曰刑以止暴不得已而用之予甚不忍吾民受刑也舊學在縣東制極卑陋改遷於雲岡夫子廟址合廟學爲一建明倫堂廡廊規制宏偉立登科題名碑記於尊道堂治邑十年慈祥愷悌稱循吏焉從祀名宦

鮑粹然嘉定元年縣令勤恤民隱官無枉法溫柔敦厚飲萬安縣志

卷九

職官志 名宦傳

七

人以醇學士王公曰鮑尹之治理不愧其命名

黃 炳嘉熙間縣令會江西峒丁反炳鳩兵守備忽五更報寇至炳遣兵迎敵眾曰枵腹柰何炳曰第速行飯至矣乃率吏攜飯器沿市呼曰知縣買飯時晨炊方熟厚酬其直負之以行於是兵皆飽食一鼓破賊尋以功擢知撫州從祀名宦

劉功甫河南祥符人寶祐中任萬安丞有惠政後卽居於邑之城西橫街至今子孫繁盛名士輩出

通志載寓賢今照胡志錄

明

張嗣先吳元年任知縣時縣境分據民志靡定嗣先肇理縣事宜布軍民廣聖諭招流移課農桑重禮義致祭先

聖賢於龍溪書院而遠邇嚮風矣

馮 勝字仲文淮西人洪武元年任知縣剛明果斷時龍

泉彭奉

府志作舉

等作亂勦獲未盡其黨郭德華潛依境內

方命不伏勝率贛軍以計獲解自是邑民始安又招諭

軍民開闢田野修學造士廨舍倚梁壇壝倉庫無不建

置從祀名宦

虞集過萬安有贈馮大尹詩見文翰志

唐 棊字伯忱永豐人洪武二年以明經任訓導天性敦

篤臨事不苟訓迪諸生多所成就後召入翰林載名會

選從祀名宦

萬鵬舉鎮江人洪武間任縣丞廉平勤敏有豪民劉仲賢

以攘牛殺鄒君瑞父子五人歷時已久鄒媪始覺執牒

萬安縣志

卷九

職官志

名宦傳

八

訴諸縣懼不得屍弗錄媪詞媪哭於庭三日鵬舉錄之

俄有大蜂五聚案麾去復至鵬舉乃祝曰爾信為鄒之

鬼耶明日再聚吾案如期蜂復集猶未之信連與蜂期

咸如初乃上馬抵劉舍反覆蹤跡之忽見五蜂飛集竹

坡鵬舉令左右具畚鍤劬之四屍藏竹下如生惟孩童

屍未獲蜂復導至榆木下環繞悲鳴發之孩體已腐惟

其首獨存獄成斬劉於市人服其神從祀名宦進士顏

仲偉作詩以美之

見文翰志

黃若水宜黃人洪武十年任教諭教人以孝友為先督課

維嚴老而罔倦學者稱為宜黃先生

新纂

劉 燦浙江人洪武十五年任縣丞值令以事去燦詢訪

民瘼勤於撫字凡獄訟務以德化有勾攝公事以片紙
疏其名無有不至既至即發外候亦無敢私去雖綜理
繁劇而楚撻不加食惟蔬菜服無文繡為鄰邑效法從
祀名宦

趙彥剛福建人洪武間任知縣賦性剛直民訟立辨豪右
者氣阻強梁者屏跡興學校課農桑均徭役凡需徵修
營之弊悉革之時西南皂徑有小寇彥剛殄滅之改按
察分司於龍溪書院之故址創布政司公館於閣前居
官廉能不擾民有獻柑一奩者止受其一考滿歸日家
無長物惟二破篋百姓愛之立碑以紀其德從祀名宦
符濟邵武人永樂元年為萬邑令性慈祥而善於聽訟

萬安縣志

卷九

職官志 名宦傳

九

民有冤獄數言而斷又移建養濟院以安貧民累官戶
部郎中安慶知府

新纂

潘謙潮陽人永樂三年教諭獎勵激勸極其懇摯士有
不法者使讀臥碑文其人感泣引罪後為鄉試領榜
黃須字用之福州人永樂十年任邑教諭尚廉恥善誘
掖講學宗朱子必反求於己不以記誦為功士風翕然
丕變創先賢祠植進士碑功實多焉從祀名宦

杜愷字彥和真定武邑人宣德元年以賢良薦辟知縣
規模嚴翼為政簡易以德化人學宮建樂育堂集諸生
講貫治邑二年輿情帖服擢兵馬指揮陞武昌府知府
呂鏞蘄水人宣德五年任教諭性廉明課士有法立鄉

貢題名碑作禮賢錄宏文錄極一時儒學之勝後擢尤

溪令

新纂

嚴 簡江夏人正統元年任知縣有器幹簡易不苛民訟

得理時人爲之謠曰嚴公爲政肅而不殘

新纂

張 紀溧陽人正統七年任萬安縣丞躬行孝弟處事勤

慎而簡易後改官楚地行李蕭然士民敬重之歛錢以

贈

新纂

張 俊桐城人正統七年任邑丞有智畧剛斷凡大事疑

獄數言可決之人皆服其膽識

新纂

邵 潤會稽人景泰元年以舉人任訓導與士子解疑異

每日嚴威開道學風雅見文章斯足無愧尋擢富平令

萬安縣志

卷九

職官志

名宦傳

十

陶 俊柳城人景泰二年任邑丞以文學起家善書數凡

有民訟舉筆斷之如神民無不嘆服當時有陶公判張

公斷之言張公乃安福尹也

張敬禮定海人景泰三年任典史儀度魁岸綜理得情有

盜牛者數年不能成案敬禮以理解之盜者愧服

鄭 傑莆田人景泰五年任邑之教諭方正自持崇教諸

生讀東西二銘首重倫敘不洽者黜之擢宜城令

新纂

袁士鳳廣東東莞人成化十六年由廣昌令以賢能改任

知縣廉介有爲廢興隆舉繕治學宮建崇文塔修譙樓旌

善亭南門橋諸創置不可勝舉邑有劇盜立置之法奸

民相戒自戢以治行內召尋卒於南京從祀名宦

黎 瓚銅陵人成化間典史居官廉能經理得法故寇盜之患盡戢後黎倫繼之時人語曰二黎為副民莫予侮

新纂

周 衝字道通宜興人宏治八年任訓導持身清苦嚴義利之辨割俸延師獎勸後進成就甚多且倡諸生受陽明先生之學故講學之士屈指雲江衝之力也遷應城縣令并國子監官有會約及場屋準繩行世

王汝南慈谿人宏治九年教諭是邑修縣志建學宮明理學教育不倦尋擢縣令

新纂

黃 宏字德裕六合人宏治十六年任知縣為政詳明寬猛得當尤畱心虛糧奸胥屏絕私相語曰今縣公不可

萬安縣志

卷九

職官志

名宦傳

十一

犯也且獎許士類士風丕變擢戶部主事累官至參議從祀名宦

黃廷芳廣西人正德五年教諭樂易近人延五經師以教諸生列上中二等學者無不激勸官至光祿寺少卿

新纂

桑 翹蘇州常熟人正德六年由孝廉任知縣時邑為流寇橫掠不遑甯處翹謂寇之所以肆虐者無金湯之固也乃度地之形勢增築城廣七百餘丈更置六門寇不能迫迫學宮被火師生無講習之地爰創明倫堂復置社學以勉士類他如山川社稷壇公廡橋梁浚井畫界無不以次修舉

王 冕字服周洛陽進士正德十二年任知縣宸濠反長

吏多奔竄冤募勇壯得死士數千人從王守仁攻復南
昌宸濠解安慶圍還救至都陽湖兩軍相拒濠盡金帛
犒死士殊死戰官兵不利冤密白守仁以小艇實葦於
中擬建昌人語就賊艦乘風舉火濠兵大驚遂潰敗焚
溺死者無算濠易舟挾宮人遁冤部卒掉漁舟追執之
宸濠平守仁封新建伯而冤未及敘坐他事落職世宗
踐祚錄前功擢兵部主事從巡視山海關死節本府志
摘明史

忠義
本傳

按舊志王冕赴提督王守仁勤王之命是時邑人郭持
平亦與焉持平多取漁船任用郭橙皆其謀也故擒賊
首係郭橙可以補府志所未及

萬安縣志

卷九

職官志

名宦傳

十二

徐 錦湖廣人正德間為邑丞練達敢為好義樂施數月

以勤勞卒於官太守任公文定親臨祭奠勸民加贈新纂

虞守愚義烏人以進士出知嘉魚嘉靖四年改任是邑善

政多端愛民如子尋擢監察御史有虞侯政績錄行世

後為贛南巡撫新纂

王 愷池州人嘉靖六年任教諭刻意學問砥節勵行因

作敬修尊道等堂以廣勵諸生後官刑部新纂

劉 坤壽張人嘉靖九年任知縣潔己愛民不設鈎距民

以訟至庭必教以孝弟睦婣之行令所親諭解再四而

後讞理自奉甚儉約革履布袍乘羸馬出入阡陌每飯

循以蹲鴟率數日一肉食清慎澹泊前無可比時有官

瘦民肥之謠從祀名宦

王 吉錢塘人嘉靖九年任縣丞適臺使者過縣苛擾殊異邑長畏其威不敢近吉往謁臺使責以違朝廷之意傷百姓之心且曰邑令雖卑不能以非禮之加爲公屈也使者唯謝而去

王 鐸徐州人嘉靖十八年以舉人任是邑訓導勤慎警敏課士有法時邑令老病命鐸攝縣篆以經理得宜擢

連山尹

新纂

陳士錡桂林人嘉靖二十二年由縣尉遷訓導沈靜方嚴動必以禮有勉賢集治性篤行世遠邇稱爲桂林先生

新纂

萬安縣志

卷九

職官志

名宦傳

十三

譚希思長沙人萬曆三年知縣崇尚文教優禮師儒尤加意寒士置田贍學先是嘉靖間知縣劉繼文歲捐膏火至是始有學田

王慎德嘉善進士萬曆十年任知縣奉身廉潔屏絕賂遺以寬恤下不矜明察每曰法峻則民畏法當則民愛其爲民畏不如爲民愛也然寬而能斷民不敢以非法干之田地山塘無侵匿攬冒之弊勒石以紀臺憲稱賢令焉

申芝芳號素公蘇州進士崇禎四年任知縣爲政得大體寬嚴盡宜連歲饑荒芝芳施粥食於四門遠邇就食所活無算性不樂巫覡喜延禮文學造就良多邑民德之

建生祠於接官亭立去思碑

梁于涖楊州進士崇禎十六年任知縣生平慷慨負義每曰吏不爲民仕不體國非偉男也嘗取仲翔骨體不沒青蠅弔客之句以自勵在任八月民懷邑治值國難作以守城就縛不屈或勸以識天意于涖曰孤城失守民受慘戮我求苟免何以謝一邑紳士耶遂繫獄數月竟不屈日吟咏詩文自狀生平又作書留別紳士絕粒而死

國朝

史象晉號畫也江南上元進士順治四年任知縣時城郭灌莽邑無居民象晉悉力撫字眾稍集時山寇竊發力

萬安縣志

卷九

職官志

名宦傳

十四

爲防禦且日進諸生校理文義任二載以疾卒

李 延河南人順治八年以明經任中書來攝縣事廉靜明決不畏強禦日疲應於夫役作堂門聯云有客頻呼馬無人問喘牛

李如滂號澹菴高陽進士順治十八年任知縣先是邑民逋欠不可勝計多爲奸胥中飽如滂悉釐其弊上請丈田審丁民間所遺虛荒盡爲除去時邑無公署吏僦居民舍乃審舊址而建置焉立三事碑於儀門謂丈田審丁建堂三事也仕二年以註誤去士民惜之爲之建祀立去思碑

胡 樞號邕藩嘉興石門進士康熙二年任知縣爲治有

體勤勞多績如平徭役興學宮設義塾建書院修邑志清戶役築義壙以及撫殘安黎各善政莫不以胡樞爲最尋陞廣西南甯府解任去迄今士民戴德口碑不休譚忠義黃陂進士康熙十二年任知縣建賓館於頭門內杜絕聲歌蔬食布衣澹如也其榜於署聯曰儉以養廉勤能補拙蓋實錄也從祀濂溪書院

馬之驍號飛穆遼陽人正藍旗監生授筆帖式康熙十七年巡撫佟公以萬邑遭土寇蹂躪城池初復軫念殘疆謂非驍無能任焉自是慰藉提攜解佩刀而輸誠者道相望也嗣滿漢大師雲屯城中之驍料理軍需應給無悞時或悍卒騷擾悉單騎往戢斂手畏避且開墾田肅清萬安縣志

卷九

職官志

名宦傳

十五

奸弊公署省倉漸次修理復闢芙蓉門重建申明亭在任九載以治行卓著擢潁川守民勒遺愛於石

黃圖昌號淑岱大名進士康熙二十五年任知縣興教化舉廢墜圖昌毅然任之繕治城垣重修學宮創崇聖祠清復龍溪書院易額濂溪學校振興絃誦之聲遍城邑續修邑志蒞治五年政績與胡樞相配

鄧培蔣萍鄉人乾隆十二年以舉人任教諭噓植善類尤崇節義奉委佐荒政多所全活從祀濂溪書院

新纂

唐開道貴州思南府舉人乾隆二十七年壬午任知縣理民訟應杖責者但令遠跪階下以恥之徵收錢漕敷解兌而止課義學肄業生如訓子弟甲申秋南贛道素某

巡縣索金帛不遂怒而去送至皂逕假民舍爲公館譴呵不能堪恚甚拔佩刀自刎未絕氣素無悛容乃以指探喉而死按察使廖英奉委勘問民素服持香夾道迎數里開棺相驗距死時已十數日面色如生案定素正法唐公子無力扶柩歸葬民爭賻之嘉慶十年改建濂溪書院邑人思其德而傷其遇之窮立牌位祀於周程之側

李鳳偉南康人嘉慶四年由優貢任訓導敦尚名教好植士類聚徒經義齋講學不倦故任內登鄉榜者半出其門邑侯朱菽原寄懷有云一堂弦誦春風滿白首談經

老鄭虔年踰八旬致仕邑人感之

新纂

萬安縣志

卷九

職官志

名宦傳

十六

陶堯臣廣東番禺人嘉慶十九年以舉人令萬邑善吏治尤好植士類在任數年如倡建考棚修理城池以及案牘考試之事無不至公至正故一時競以廉能稱之尋

調去

新纂

曹士桂雲南舉人道光二十三年令萬安愛民禮士課農桑興學校折獄至明案無宿牘除暴惟嚴民得安堵且寒士多蒙作育孤貧厚加周卹人皆德之

新纂

曾逢吉號藹士彭澤人以副榜任教諭品端學優力持名教鄰邑士多就正焉太守文甚器重之咸豐癸丑泰和齋匪倡亂竄邑境吉爲賊所逼誓不辱賊亦不敢犯越月隨大兵擊之邑乃平遂奉檄代縣事多方招撫歸集

流離民賴以安時年已七十矣操勞大甚越一歲而卒
於官民到於今猶頌之不輟新纂

丁曰昌號雨生廣東豐順廩生咸豐九年合萬安時大亂
初平民苦流離公下車廣爲招徠勞心撫字民藉以安
且善聽訟案無大小片言以折衙役積弊痛除殆盡每
逢朔望集生童於考棚講學文教復興在任三月興復
雲興書院修理城隍廟宇此皆政績可紀者以繁調去
百姓乞留不可得解組日父老子弟設席作餞秉香擁
送者億萬人後累官江蘇巡撫留別士民有新
詩見文翰志纂

武宦傳

國朝

康 共號明我薊州人善左右射勇略過人始任玉田防禦行以諫最擢守萬安營練士有法遇人以禮坦衷天懷未嘗以錢幣自私勤勞著績內擢京口歷任袁臨等處協守副將

鄧 雄號虎山大同人少負氣節多大畧以歷任功績稱最擢守萬安營軍令嚴峻兵有侵民園蔬者亦必賞之以法居簡閱日則操弓躍馬爲士卒先兵馬糧餉一無所私康熙丙辰山寇竊發萬城失守雄乞師恢復分別難民敘功優陞得安慶撫標中軍遊擊邑民頌之

萬安縣志

卷九

職官志

武宦傳

十八

黃成章號簡齋泉州人康熙初奉授督僉克平兩島已而移駐興國傾貲餉兵嶺南諸洞悉爲撲滅康熙丙辰萬龍山寇猖獗邑城失守督撫屬黃提師壓境而城池得復因駐師焉且多方招撫流亡歸集民賴以安鎮撫七年除湖南均州軍正士民立碑亭於江干以志德感